

Jou 2

**MESAJE K AP
GIDE NOU YO**

JIJ 4 AK 5

DEBORA - PWOJET AK JIJ





JOU 2 - ANALIZ JENERAL AK SESYON ENTWODIKSYON

Byenvini: Lè w'ap akeyi timoun yo nan dezyèm jou lekòl biblik vakans mesaje Pou Jezi yo, w'ap genyen privilèj pou w' kreye yon anbyans pou yon semèn sipriz. Youn nan bon fason pou timoun yo konprann ke lekòl biblik vakans lan ap kòmanse, se nan repwodiksyon chan prensipal Mesaje Pou Jezi yo, oubyen kèk nan lòt chan ki te konpoze pou lekòl biblik vakans yo.

Salitasyon: Pran yon ti tan pou w' di timoun yo byenvini, pandan w'ap di kijan w' kontan dèske yo vini. Prezante tèt ou, prezante lidè chak departman yo, chak volontè ak manm pèsònèl yo.

Lapriyè entwodiksyon: Envite Kris nan lekòl biblik ou a atravè lapriyè pandan w'ap kòmanse chak sesyon. Bat pou chak swa se yon moun diferan ki fè lapriyè sa.

Tèm ak fondman biblik Mesaje pou Jezi yo: Prezante tèm prensipal lekòl biblik la. Di timoun yo ke semèn sa yo pral aprann osijè de plizyè mesaje diferan ke Jezi itilize yon fason pou ede yo aprann plis de Li, epi kòman yo menm tou yo kapab vin tounen mesaje pou Jezi. Sa se pral yon moman espesyal tou pou prezante yo pasaj bibliki ki pral itilize kòm fondman mesaje Pou Jezi yo, 2 Korentyen 5:20a, "Konsa, nou se anbasadè pou Kris".

Tèm jounalye ak baz bibliki: Pataje tèm Jou 2 avèk timoun yo ki di: Mesaje K Ap Gide Nou Yo, menm jan ak baz bibliki jou 2 ki se: Debora - Pwofet ak Jij.

Adorasyon atravè kantik: Apre w' fin prezante tèm jounalye a avèk baz bibliki la, sa se yon moman espesyal pou w' fè timoun yo louwe ak adore. Tou depann de kantite tan ke w' genyen, si w' chante de kantik mesaje pou Jezi yo ansanm ak timoun yo se ap yon bon fason pou w' ede yo santi yo kontan nan kòmansman lekòl bibliki la.

Sketch pou entwodiksyon an:

Pran yon ti tan pou w' prezante sketch entwodiksyon an pandan w'ap fè lekti sa: Mesaje Jezi yo genyen yon mesaj byen enpòtan pou nou jodi a. Yo vle rakonte nou kilès Jezi ye ak pou ki rezon ke Li vle pou nou chak vin tounen mesaje pou Li tou. Nan chak sesyon lekòl bibliki la, n'ap konnen youn nan mesaje Jezi yo epi nou pral tandè mesaje ke yo chak te resevwa lòd pou bay. Mesaje Jezi yo travay anba kontwòl Katyemèt, li menm ki la pou distribye sèvis bay mesaje pou Jezi yo. Lè genyen yon mesaj enpòtan ki dwe anonse, sèvis mesaje pou Jezi yo pa genyen konparezon. Jodi a nou pral rekonèt Katyemèt la ak yon mesaje pou Jezi ki rele Ti chocho. Ann swiv Katyemèt la ak Paskal avèk anpil atansyon pou nou kapab aprann plis osijè de mesaj enpòtan ke yo genyen pou bay jounen jodi a.

Pwojè Ofrann Misyònè: Prezante pwojè Ofrann misyonè Timoun yo ki gen pou wè ak ane sa. Ou kapab pwofite moman sa pou w' ranmase ofrann ke timoun yo te pote yo.

Konklizyon sesyon entwodiksyon an: Avan w' voye timoun yo al pran plas yo nan departman lekòl bibliki la, fè yo chante youn nan kantik Mesaje pou Jezi yo yon lòt fwa ankò, ofri yon lapriyè envokasyon, oubyen fè tou de bagay yo.

JOU 2 - SKETCH ENTWODIKSYON



JOU 2 - SKETCH ENTWODIKSYON - TI CHOCHO - MESAJE POU JEZI!

Sketch entwodiksyon pou Mesaje Jezi yo te kreye nan lide pou prezante tèm ak istwa biblik jounalye yo bay timoun yo. Yo pral sèvi tou pou fè timoun yo patisipe nan chak evènman. Paj obsèvasyon jeneral ak sesyon entwodiksyon an, ni nan gid direktè tankou nan gid lidè a, genyen yon entwodiksyon pou chak sketch. Li entwodiksyon sa anvan chak sketch.

Prepare Sèn Nan

Chak sketch--entwodiksyon ak konklizyon—pran plas nan Biwo Kòmandman Santral Sèvis pou Remisyon mesaje Pou Jezi yo. Se Katyemèt k'ap dirije kalite sèvis sa epi l'ap sèvi pou bay mesaj enpòtan ki soti nan Jezi yo. N'ap toujou jwenn Katyemèt la k'ap travay di dèyè biwo Kòmandman Santral la. Se la n'ap resevwa tout mesaj enpòtan yo.

Sketch Entwodiksyon

Nan kòmansman Jou 1, Katyemèt la byen okipe nan travay li nan Kòmman Santral la lè li tande son yon mesaj ki antre pou li anonse (chwazi yon son ki pou sèvi pou reprezante alam Sèvis mesaj ki antre yo; li kapab son telefòn ou oubyen nenpòt kalite son ki kapab kapte atansyon timoun yo). Alam nan ap fè Katyemèt la konnen ke li resevwa yon mesaj enpòtan. Katyemèt la reponn alam nan.

Katyemèt – (Li ta bon pou Katyemèt la ta genyen kas, men w'ap kapab itilize nenpòt kalite telefòn. Sèn nan kòmansman yo fwa Katyemèt reponn apèl la lè li fin tande son alam nan). W'ap kominike avèk Sèvis Remisyon Mesaje pou Jezi yo. Mesaj ou a se pi gwo priyorite nou. Se Katyemèt la k'ap pale avèk ou la, kòmman mwen kapab ede w'? (Katyemèt la dwe koute moun k'ap pale nan lòt liy nan avèk anpil atansyon). Wi, mwen konprann. (Katyemèt la dwe ekri mesaj la nan yon kaye oubyen, nan yon òdinatè). Sa se tout? Trè byen. Mwen pral voye mesaj sa kounye a. Mwen genyen moun ki ka fè travay sa byen (Katyemèt la mete fen ak apèl la apre sa li pale avèk Ti chocho. Ou kapab fè Katyemèt la itilize menm telefòn nan oubyen li kapab itilize lòt mwayen ki sèvi pou sistèm kominikasyon entèn). Atansyon, Ti chocho. Tanpri, peye prezans ou nan Kòmman Santral la.

Ti Chocho – (Ti Chocho antre nan sèn nan. Li pete yon gwo kous kouri alantou sèn nan. Li kontinye fè sa yon fason pou Katyemèt la obsève li)

Katyemèt – Ti Chocho, bese revolisyon yo, (Ti Chocho ralanti sou vitès li a epi li ale kanpe devan biwo kòmman santral la). W ap fatige depi avan mwen ba ou mesaj ke m dwe ba w pou w al bay la.

Ti Chocho – Padon. Se paske mwen kontan anpil lè m tande yo rele mwen. Èske w genyen yon mesaj enpòtan pou w bay?

Katyemèt – Se konsa Ti Chocho. Epi se yon mesaj ki difisil pou bay.

Ti Chocho – Kisa sa vle di ke se yon mesaj ki difisil pou bay?

Katyemèt – Li difisil pou bay paske sa mande pou w ale yon kote ke w pat janm konn ale epi fè yon bagay ke w pat janm konn fè avan.

Ti Chocho – Mwen enterese epi yon tikras pè. Di mwen plis bagay.

Katyemèt – Ta sanble ke genyen yon gwoup rat ki pèdi nan tèritwa chat yo.

Ti Chocho – Ou sot di tèritwa chat yo? (Vwa Ti Chocho demontre dezespwa ak lapèrèz.)

Katyemèt – Wi, se sa menm mwen sot di.

Ti Chocho – Men...Men...Kote sa plen ak chat wi. Epi dènye fwa mwen te obsève yon bagay konsa, chat yo avèk rat yo pa zanmi non. Rat sa yo dwe nan gwo danje.

Katyemèt – Egzakteman. Se sa ki lakoz ke sa se yon mesaj ki difisil pou bay. Epi se rezon sa ki fè mwen rele w Ti Chocho..



JOU 2 - SKETCH ENTWODIKSYON

Ti Chocho – Mwen menm? Poukisa?

Katyemèt – Mwen rele w paske mwen konnen ke w se yon mesaje ki genyen kouraj nesèsè pou ale kote w pat janm konn ale avan epi, si sa nesèsè, fè yon bagay ke w pat janm konn fè avan.

Ti Chocho – Èske w sèten de sa, Katyemèt? Petèt ou kapab konfonn mwen ak lòt mesaje.

Katyemèt – Non. Ou se mesaje ki espesyal pou bay mesaj sa. Èske w te konn tande pale de Debora kèk fwa nan Bib la?

Ti Chocho – Debora? Non. Mwen kwè ke mwen poko janm tande pale de li. Kilès li te ye?

Katyemèt – Debora te viv nan tan lontan. Li te yon izrayelit. Izrayelit yo se pèp ke Bondye te chwazi. Men pafwa, menm jan avèk rat sa yo nan tèritwa chat yo, yo te konn pèdi.

Ti Chocho – Yomenm tou yo te konn pèdi nan tèritwa chat yo?

Katyemèt – Non. Yo te konn pèdi lè yo te bliye sa Bondye te anseye yo a. Malerezman sa se yon bagay ki pase souvan. Lè sa te konn pase konsa, Bondye te konn toujou rele yon moun ke li fè konfyans pou ede yo retounen vin jwenn Li. Epi nan youn nan okazyon sa yo, Li te chwazi Debora pou gide yo.

Ti Chocho – Ki kalite pwoblèm Izrayelit yo te rankontre?

Katyemèt – Yo te rankontre ak yon wa mechan ki te rele Jaben. Lè izrayelit yo te vire do bay Bondye, yo te tonbe anba men Jaben pandan 20 ane. Epi Jaben se te yon wa ki te mechan anpil.

Ti Chocho – Kisa izrayelit yo te fè lè sa?

Katyemèt – Finalman yo te rann yo kont ke yo te pèdi epi yo te mande Bondye sekou.

Ti Chocho – Ebyen èske se aokz de sa ke Bondye te rele Debora pou ede yo?

Katyemèt – Wi.

Ti Chocho – Debora te dwe yon lidè ki te gen anpil eksperyans ak fòmasyon.

Katyemèt – Non. Debora pat genyen fòmasyon pou l te vin lidè. Men li te genyen yon bagay ki te menm plis enpòtan. Li te renmen Bondye epi mete konfyans li nan Li. Li te konnen ke si li koute ak obeyi lòd Bondye yo, li t'ap kapab mete pèp Izrayèl la an sekirite.

Ti Chocho – Epi se sa ke w bezwen mwen fè pou rat sa yo ki nan tèritwa chat yo?

Katyemèt – Se sa li ye menm, Ti chocho. Mwen kwè ke w se mesaje ki pafè pou travay sa. Mwen vle pou w pran fòs epi vanyan pou w ale nan tèritwa chat yo. Jwenn rat sa yo epi fè yo jwenn sekirite yo. Èske w kapab fè sa?

Ti Chocho – Mwen kwè ke mwen kapab fè li (Ti Chocho manmote, men konfyans li kòmanse grandi). Mwen poko janm ale nan tèritwa chat, ni gide yon gwoup rat, men kòm ou kwè nan mwen, mwen kwè ke m ap kapab fè li.

Katyemèt – (Gade timoun k ap koute yo). Èske nou kwè ke Ti Chocho ap kapab reyalize misyon sa? (Ankouraje timoun yo reponn pozitivman). Yo menm tou, yo kwè nan ou, Ti Chocho.

Ti Chocho – Mèsi pou konfyans ou mete nan mwen, Katyemèt (Ti Chocho gade timoun yo). Epi mwen di nou tout mèsi, timoun yo! m ale! (Ti Chocho kite sèn nan ak yon gwo kous kouri))

Lidè – Lè nou retounen yon lòt moman, nou pral pale ak Katyemèt la ak Ti Chocho pou nou konnen si li te fè siksè.

JOU 2 - SESYON KONKLIZYON/SKETCH KONKLIZYON



SESYON KONKLIZYON

Byenvini: Lè timoun yo retounen pou sesyon konklizyon an, mande lidè mizik ou a pou l' fè timoun yo chante youn nan chan Mesaje pou Jezi yo.

Salitasyon: Di timoun yo byenvini yon lòt fwa ankò. Pran yon ti moman pou w' repase istwa bibliik Jou 2 a ansanm avèk timoun yo: Debora-Pwofèt ak Jij. Poze timoun yo kèk kesyon ki enpòtan sou leson an. Ou kapab mande youn nan timoun yo resite vèsè memwa Jou 2 a, Ebre 13:7, oubyen tèm Jou 2 a: Mesaje ki gide nou yo.

Sketch Konklizyon An: Prezante sketch konklizyon an (aprè sa) li sa: pandan tout semèn sa, n ap swiv evènman Sèvis Remisyon Mesaj pou Jezi yo. Se la n'ap jwenn katyemèt la ak mesaje li yo, yo menm k'ap akonpli apèl yo kòm mesaje pou Jezi. Dènye fwa ke nou te wè Ti Chocho, li te sou wout pou l ale chèche yon kolonn rat ki te pèdi nan tèritwa chat yo. Ann prete atansyon nou ak Katyemèt la pou nou konnen si li te fè siksè nan mesaj li a.

Pwojè Ofrann Misyone: Ankouraje timoun yo pale ak zanmi ak fanmi yo osijè de sa yo te aprann sou pwojè Ofrann Misyone Timoun k'ap atenn lòt Timoun yo.

Fen Sesyon Konklizyon An: Pi bon fason pou nou mete fen ak yon sware lekòl bibliik se pandan n'ap chante yon kantik. Aprè kantik la, pran yon ti tan ankò pou w' pataje tèm nan ak leson kle ki te anseye yo ansanm ak timoun yo pandan jounen an. Fè pase nenpòt anons enpòtan ni pou timoun yo tankou lidè yo. Mete fen pa mwayen lapriyè.

JOU 2 - SKETCH KONKLIZYON - TI CHOCHO - MESAJE POU JEZI!

Sketch konklizyon mesaje pou Jezi yo fèt nan lide pou ede timoun yo repase tèm nan, istwa bibliik ak lòt eleman yo ak leson enpòtan chak jou yo. Sesyon konklizyon pou lekòl bibliik chak jou a twouve li ni nan gid direktè a menm jan ak nan gid Lidè a ki genyen yon entwodiksyon ki dwe li avan chak sketch konklizyon.

Prepare Sèn Nan

Chak sketch chak jou yo dwe fèt nan Biwo Kòmman Santral Sèvis Remisyon Mesaje Pou Jezi yo. Sèvis remisyon sa yo sou responsablite Katyemèt la epi li la pou bay mesaj ki enpòtan pou Jezi yo. Nan Kòmmanman sketch konklizyon jou 2, Katyemèt la byen okipe nan travay Kòmman Santral la, lè Ti Chocho retounen pou remèt mesaj Jezi a.

Sketch Konklizyon An

Ti Chocho - (Ti Chocho antre nan sèn nan ak tout vitès. Katyemèt la pale byen fò pou atire atansyon li).

Katyemèt - Mwen wè ke w retounen vin remèt mesaj la, Ti Chocho.

Ti Chocho - (Redwi sou vitès li epi mache rive devan Biwo Kòmman Santral la; aprè sa li reponn avèk yon vwa emosyon) Wi, se konsa menm!

Katyemèt - Sanble ke tout bagay byen pase.

Ti Chocho - Wi! Se te yon eksperyans enpresyonan.



DAY 2 - SKETCH KONKLIZYON

Katyemèt - Yon eksperyans enpresyonan? Ou te ale nan tèritwa chat yo, se vre?

Ti Chocho - Se konsa menm. Se yon kote tèt chaje wi!

Katyemèt - (Kontinye pale ak yon ton kiryozi) Kote a plen ak chat, se vre?

Ti Chocho - Wi, men genyen yon bagay enpresyonan ki te rive.

Katyemèt - Kisa ki te rive?

Ti Chocho - Lè mwen rive nan tèritwa chat yo mwen rankontre ak rat ki te pèdi yo epi yo ta pral fè fas ak yon sityasyon difisil, yo te rann yo kont ke yo te bezwen èd Jezi.

Katyemèt - Èske w te pè?

Ti Chocho - Mwen te sezi anpil! Men mwen te byen deside pou m bay mesaj la epi gide rat yo ale nan yon kote ki an sekirite.

Katyemèt - Epi kisa ki te rive?

Ti Chocho - Lè mwen te pwoche bò kot rat yo, mwen te rann mwen kont ke yo t ap priye. Lè yo te rann yo kont ke yo te pèdi epi yo te an fas ak yon sityasyon difisil, yo te santi yo te bezwen èd Jezi.

Katyemèt - Èske Jezi te reponn lapriyè yo?

Ti Chocho - Wi, li te fè li. Jezi te bay rat sa yo avèk mwen fòs pou nou te fè fas ak chat yo. Lè nou te fè sa, genyen yon bagay enpresyonan ki te pase. Tout chat yo te tonbe dòmi.

Katyemèt - Dòmi?

Ti Chocho - Ta sanble ke genyen yon kamyon lèt ki te rive nan vil la inèd tan avan ke rat yo te rive. Tout chat yo te genyen vant yo plen ak lèt tyèd. Lèt la, melanje ak klima cho ak lè solèy la te lakòz dòmi nan je, se konsa yo te tonbe dòmi byen pwofon.

Katyemèt - Epi kisa nou te fè?

Ti Chocho - An premye, nou te di Jezi mèsi.

Katyemèt - E aprè?

Ti Chocho - Mwen te mennen rat yo yon kote ki an sekirite, byen lwen tèritwa chat yo.

Katyemèt - Mwen tèlman kontan dèske sa te byen pase. Mwen kontan paske w te mete konfyans ou nan Jezi ak ministè w pou lavi w. Jezi te itilize w kòm youn nan mesaje li yo pou gide rat sa yo rive yon kote ki an sekirite (li kontinye pale ak Ti Chocho, men li gade timoun yo). Kisa w panse, Ti Chocho? Petèt Bondye vle itilize timoun sa yo pou gide lòt moun atravè yon sityasyon difisil, pa vre?

Ti Chocho - Mwen kwè ke w genyen rezon, Katyemèt (Ti Chocho ak Katyemèt la te gade youn lòt, pandan yo t'ap asiste).

Lidè - Kisa nou remake, timoun yo? Èske nou kwè ke Jezi kapab itilize kèk pami nou pou ede yon moun fè fas ak yon sityasyon difisil? (Ankouraje timoun yo reponn pozitivman.)

JOU 2 - ISTWA BIBLIK



DEBORA - JIJ AK PWFÈT - JIJ, CHAPIT 4-5 - YON PREMYE POU BONDYE!

Preparasyon Pou Lidè Istwa Biblik La

Enfòmasyon sa fèt pou ede lidè istwa biblik la prepare li pou pataje istwa jou a ansanm avèk timoun yo. Sa mande pou lidè a li enfòmasyon sa epi repase pasaj yo sigjere yo.

Jij 4:1-3 - Nan Ansyen Testaman, byen souvan nou li osijè de plizyè okazyon kote izrayelit yo te bliye direksyon ak esperans Bondye, epi yo te dezobeyi li. Bib la di ke yo te fè sa ki mal nan je Seyè a. Se sitiyasyon sa ki te nan kòmansman chapit 4 liv Jij yo. Konsekans lan se ke Izrayèl te tonbe anba men youn nan lènmi li yo, wa mechan kanaran, Jaben. Wa Jaben te gouvène izrayelit yo pandan 20 ane, jouskaske finalman izrayelit yo te mande Bondye sekou. Kòm repons lapriyè yo, Bondye te leve yon jij ki te rele Debora.

Kilès Jij Yo Te Ye? - Avan ke Izrayèl te genyen pwòp wa yo, Bondye te rele kèk moun sou non jij pou gide pèp la nan moman difikilte yo. Jedeyon avèk Samson se lòt jij ki byen popilè ki te ede pèp izrayèl la jwenn libète anba opresyon.

Debora, katriyèm wa peyi Izrayèl la, se te premye fanm ki te mansyone nan Bib la avèk responsablite sa. Debora ansanm avèk yon lòt fanm ki te rele Jayèl te ede pèp Izrayèl la pote laviktwa. Istwa Debora demontre kòman Bondye kapab fè objektif li yo reyalize atravè nenpòt moun ki prè pou sèvi li. Ministè Debora, avèk pouvwa Bondye, te ede li vin yon nimewo en.

Istwa-Debora-Yon Premye Pou Bondye - Jij 4:6-24

Debora te yon jij nan peyi Izrayèl. Pèp la te vini devan Debora pou rezoud pwoblèm diskisyon yo. Pandan tan sa, te genyen yon wa etranje ki rele Jaben ki te vin domine pèp Izrayèl la. Jaben te soti yon kote ki rele Kanaran, epi li te maltrete pèp Izrayèl la anpil. Pèp Izrayèl la te pase 20 ane anba dominasyon wa mechan sa ki se Jaben. Izrayelit yo te rann yo kont ke yo te bezwen èd Bondye, konsa, yo te rele Bondye nan lapriyè. Bondye te reponn yo lè li te voye Debora pou gide Izrayelit yo epi libere yo anba kontwòl Jaben.

Li Jij 4:6-7, NVE

Debora te di asistan li a Barak konsa, ke Bondye te vle pou l ede izrayelit yo. Men, Barak di ke li pa ta vle ale san Debora, epi li te mande Debora pou l te akonpanye li. Bib la pa di nou rezon ki te fè l mande l sa, men lè nou baze nou sou sa Debora te di a, se klè ke sa pat fè Bondye plezi.

Li Jij 4:9-10, NVE

Sisara se te chèf lame wa Jaben an. Lame Sisara te genyen 900 charyo, ki te egal ak yon cha degè nan moman sa. Cha yo te kapab kraze nenpòt liy defans lènmi an, epi akòz de vitès li, li te difisil pou yo te frennen li. Yon sòlda nan yon cha te genyen twa fwa fòs yon nonm ki a cheval, epi plis pase yon sòlda ki a pye. Sa te lakòz ke lame Sisara te gen anpil pwisans.

Li Jij 4:14-16

Malgre lame Jaben an te detwi, Sisara te rive chape poul li. Men Sisara pat kapab chape anba pouvwa Bondye. Sisara te kouri antre nan tant yon fanm ki te rele Jayèl. Epi se la menm, pwofesi Debora te vin tounen reyalyte (Li Jij 4:9, NVE).

Jayèl te envite Sisara vin kache nan tant li a epi li te ba li yon ti lèt pou li bwè. Sisara ki te panse li an sekirite, li te kouche dòmi epi jwenn destriksyon li. Sa te akonpli pwofesi Debora epi li te bay pèp Izrayèl la viktwa ak libète.



JOU 2 - ISTWA BIBLIK

"Jou sa a, Bondye te fè Jaben, wa peyi Kanaran an, bese tèt devan pèp Izrayèl la. Moun pèp Izrayèl yo pran maltrete Jaben, wa peyi Kanaran an, jouk yo touye l." (Jij 4:23-24)

Kisa Nou Te Aprann Nan Istwa Biblik Jodi A?

Mande Timoun Yo - Èske nou te pèdi yon fwa? (Kite timoun yo pataje eksperyans yo sou kijan yo te pèdi).

Di Timoun Yo Konsa - Lè nou te pèdi a oubyen lè nou te twouve nou kote nou pat janm konn al vizite avan an, èske nou te bezwen yon moun ki pou ede nou jwenn chemen pou ale kote nou vle rive a, pa vre? Se yon bagay konsa ki te rive Izrayelit yo nan istwa jodi a. Izrayelit yo te pèdi menm jan avèk kèk nan nou te pèdi nan istwa nou sot pataje yo, men yo te pèdi paske yo te bliye konbyen Bondye te renmen yo ak kòman li te pwoteje yo nan peyi Lejip ak dezè a. Yo te bliye koute ak obeyi. Nan yon ti tan ki tou kout, yo pat renmen ni obeyi Bondye, epi yo te fè bagay ki ofanse Bondye ak lòt moun. Kòm rezilta, yo te tonbe anba dominasyon yon wa mechan ki te rele Jaben.

Mande Timoun Yo - Kisa izrayelit yo te fè lè yo te rann yo kont ke yo te pèdi epi bezwen Bondye? (Repons: Yo te rele Bondye nan lapriyè).

Mande Timoun Yo - Kimoun Bondye te itilize pou mete yo an libète? (Repons: Debora).

Di Timoun Yo - Avan ke pèp Izrayèl la te genyen pwòp wa yo, Bondye te itilize kèk moun sou non jij pou ede ak gide yo. Debora se te yon jij.

Mande Timoun Yo - Jounen jodi a nou genyen jij. èske yon moun kapab di mwen kisa jij yo fè pou nou jodi a? (Kite timoun yo reponn).

Di Timoun Yo - Debora, kòm jij Ansyen Testaman, li te fè anpil nan bagay sa yo pou pèp Izrayèl la. Lè yo te genyen pwoblèm, li te ede yo jwenn bon solisyon. Men yon jij jan Debora te ye a te resevwa apèl Bondye pou gide izrayelit yo kont lènmi mechan ki t'ap pèsekite yo.

Debora te kenbe konfyans li fèm nan Bondye, epi li te konnen ke Bondye te renmen yo epi ta gen pou l libere yo anba dominasyon wa mechan sa ki se Jaben. Okontrè, lè kèk moun tankou Barak te sanble doute de mesaj Debora, li te deklare ak tout fòs li ke Seyè a ta bay izrayelit yo laviktwa sou wa Jaben ak chèf lame li a, Sisara.

Mande Timoun Yo - Èske genyen yon moun la ki konnen kisa yon premye ye? (Kite timoun yo reponn). Yon premye se yon moun ki pare pou ale kote pèsòn pat ale avan, oubyen ki pare pou fè fas ak danje a lè pèsòn pap fè li. Debora te yon premye.

Di Timoun Yo-Debora te viv nan yon epòk kote fanm yo pat konn itilize kòm lidè, men kòm li te mete konfyans li nan Bondye, Li te itilize li pou gide izrayelit yo vè yon gwo viktwa. Avèk sekou Bondye, li te premye epi ki te kreye chemen vè laviktwa nan fè fas ak lènmi an san lapèrèz. Epi lè li te rive pote laviktwa, li te bay Bondye tout glwa li.

JOU 2 - VÈSÈ POU APRANN



JOU 2 - VÈSÈ POU APRANN - MESAJ NAN KÈ M NAN - EBRE 13:7

Lekòl Biblik Vakans Mesaje Pou Jezi - Istwa Biblik - Mesaj nan kè m nan - Analiz Jeneral ak Enfòmasyon Pou Lidè

Pawòl Bondye a se mesaj Bondye pou disip li yo. Lè pitit Bondye yo gade Pawòl Bondye nan kè yo, memorize pawòl la, yo ranpli kè yo avèk direksyon ak lanmou Bondye a. Yo menm tou yo ranpli kè yo avèk mesaj Bondye a pou yo kapab vin mesaje Bondye devan mond lan!

Dezyèm tèm Lekòl Biblik Vakans lan se Mesaje Ki Gide nou yo. Lide a se ede timoun yo konprann ke Bondye te chwazi mesaje ki pou ede yo konnen Jezi. Lè Bondye rele yon moun pou vin mesaje Li, Li rele l pou l viv yon fason pou li ede lòt yo aprann osijè de Jezi. Atravè aksyon lidè a, yo menm ki dwe egzanp aksyon Jezi, timoun yo kapab wè kòman Jezi vle pou yo viv.

Ezbre 13:7 (NVE) - *“Pa bliye moun ki te konn dirije nou yo, moun ki te fè nou konnen pawòl Bondye a. Egzaminen jan yo te viv, jan yo te mouri. Pran egzanp sou konfyans yo”.*

Li vèsè pou aprann nan dezyèm jou a ansanm avèk timoun yo. Esplike yo ke vèsè sa soti nan fen chapit lèt Ebre yo. Ebre se yon lèt ki te ekri pou yon gwoup kretyen ki t'ap viv yon moman difisil. Lèt la te genyen kòm objektif, ankouraje ak prezante yo leson ki enpòtan osijè de fason ke yo dwe viv. Youn nan leson enpòtan sa yo se te pou yo kontinye viv tankou Jezi, nan obeyi Bondye epi sèvi lòt yo. Otè a te ankouraje pou yo pat sèlman sonje lidè sa yo, men tou, imite konpòtman yo, pawòl ak aksyon yo. Itilize mouvman avèk aksyon ki anba yo pou w ede timoun yo aprann vèsè sa.

**PATI 1 - PA BLIYE MOUN KI TE KONN DIRIJE NOU YO
(POZE TANKOU SI W T'AP PANSE, SONJE YON BAGAY).**

**PATI 2 - MOUN KI TE FÈ NOU KONNEN PAWÒL BONDYE A
(FÈ TANKOU W AP KENBE YON BIB KI OUVÈ NAN MEN W).**

**PATI 3 - EGZAMINEN JAN YO TE VIV
(LONJE MEN GOCH OU).**

**PATI 4 - JAN YO T AP VIV
(LONJE MEN DWAT OU).**

**PATI 5 - PRAN EGZANP SOU KONFYANS YO
(METE YON JENOU W ATÈ EPI LONJE DWÈT SOU LIDÈ LEKÒL BIBLIK OU YO).**



JOU 2 - ATIZANA

JOU 2 - ATIZANA MESAJE - SWIV PA JEZI YO!

Atizana pou jounen jodi a bay yon opòtinite pou ranfòse tèm dezyèm jou a, Mesaje ki gide nou yo. Tèm jodi a baze sou ede timoun yo konprann enpòtans swiv lidè ke Bondye chwazi kòm Mesaje li yo. Pi bon egzanp yon lidè ke Bondye te chwazi kòm Mesaje li se Jezi. Atizana jounen jodi a ap pèmèt ke timoun yo demontre avèk fyète kòman yo pral chwazi swiv ministè Jezi nan lavi yo.

Sa Ke W Ap Bezwen

Atizana pou swiv pa Jezi yo te fèt kòm bagay ki kapab modifye. Se sa ki fè, chak ministè lokal genyen plizyè opsyon sou fason li kapab mande pou timoun yo konplete atizana a.

1



Yon mak an blan e nwa oubyen ki gen tout koulè.

2



Yon tras
JEZI SE LIDÈ MWEN.

3

Sizo, adefif oubyen lakòl, ak nenpòt lòt atik pou dekore ki konsidere bon pou timoun ki nan ministè w yo.

Kòman Nou Kapab Kreye Tras Pou Swiv Pa Jezi Yo!

PA

1 Chak timoun ap bezwen yon mak, yon tras Jezi se lidè mwen, ak atik pou dekorasyon adisyonèl.

PA

2 Di timoun yo - Si Jezi se lidè lavi w, ebyen w ap bezwen swiv pa Li yo. Sa vle di ke w ap bezwen swanye lavi w menm jan ak pa Jezi a. **Mande timoun yo** - Nan ki fason nou kapab swiv pa Jezi yo? Ankouraje timoun yo pataje repons yo avèk gwoup la. Ede timoun yo bay egzanp ki soti nan Bib la.

PA

3 Mande timoun yo pou yo ekri repons pa #2 nan tras Jezi a.

PA

4 Ede timoun yo kole tras Jezi yo nan espas ki parèt nan mak yo (avèk lakòl oubyen adefif).

PA

5 Mande timoun yo pou yo ajoute koulè ak vi nan zèv atizana yo a, pandan y ap ajoute nenpòt eleman ke yo vle pou yo dekore.



JOU 2 - KOLASYON RAPID LA



BYENVINI NAN KOLASYON AN

Genyen yon anons ki kreye pou chak jou, li menm k'ap pèmèt ou ofri timoun yo yon bon manyè pou yo eksperimente lekòl biblik vakans lan. Lide sa yo kapab mande yon seri de preparasyon, men, rezilta efò w' yo ap gen anpil enpòtans pou yo. Anpil fwa, prezidan lekòl biblik yo konn ap obsève ke plas kolasyon an pa dwe pran menm kantite tan ak lòt yo. Si sa rive, melanje li ak kèk lòt sit.

Jou 2 Kolasyon – Goute Melanje

Lide goute pou jodi a se goute melanje. Ou ka fè yon melanj goute nan plizyè fason diferan, tou depann de engredyan diferan ke ou chwazi pou ou genyen ladan yo. Sepandan, nan kenbe ak sijè Mesaje nou an, isit la gen kèk sijasyon sou engredyan yon:

- * Vè jele
- * Fretzèl
- * Fwi won
- * Bonbon won
- * Bè, frèz, anana, melon, elatriye

Kijan Pou Kreye Goute Melanje a

Ou ka pre-melanje li oswa kite timoun yo kreye pwòp melanj yo. Konsidere enpresyon etikèt epi atache etikèt yo nan ti sak oswa tas ke timoun yo itilize pou kenbe ti goute melanje yo.





JOU 2 - JWÈT KADINAL

JOU 2 DIREKSYON KADINAL - SID

Jou 2 – Sid – Nan Jòb 9: 9, Jòb fè referans ak Bondye kòm Kreyatè zetwal nan syèl la. Li nonmen yon gran kantite nan zetwal yo ke li te kapab wè ak pwòp je l', men li tou mansyone zetwal ki nan zòn sid yo. John Wesley te kwè ke sa yo se zetwal ke Jòb li menm pa t 'kapab wè; men li te konnen yo egziste, lè sa a se Bondye ki te kreye yo.



Nou jwenn anpil verite sou Jezi nan istwa biblik yo. Sa yo se verite ke, menm si ou ka pa te wè yo ak pwòp je li, ou ka gen konfyans menm jan Jòb te kwè ke mesaj Bib la sou Jezi se vre.

Tèm dezyèm jou a se Mesaje ki gide nou yo. Pataje avèk timoun yo osijè de kòman Bib la plen avèk leson enpòtan sou moun tankou Moyiz, Arawon ak Debora, yo menm ki te mesaj espesyal Bondye. De tout fason, Bib la se yon mesaj ki byen espesyal ki soti nan Bondye. Lè nou li Bib la, nou aprann de lanmou Bondye ak plan li pou lavi nou. Di yo ke genyen plizyè milyon moun ki aprann de lanmou Bondye ak plan li yo pou mond lan atravè lekti nan Bib la. Ou dwe prepare w pou w pataje avèk timoun yo osijè de kòman Bib la te ede w konprann Bondye ak plan li yo pou lavi ou.

SWIV LIDÈ A-TI CHOCHO DI

Jwèt jodi a se yon varyete klasik ki koni sou non Simon Di. Objektif la se demontre enpòtans ki genyen nan swiv lidè a.

Sa ke w ap bezwen: Sa w ap bezwen an depann de kantite moun ki nan gwoup la ak laj timoun yo. Sa ki plis enpòtan se lidè a ki dwe kreyatif!

Kòman nou kapab jwe:

1. Chwazi yon moun ki pou reprezante Ti chocho (Simon). Lidè a dwe Ti chocho nan kòmansman jwèt la, men apre kèk wonn, fè yon lòt moun jwe wòl li a.
2. Ti chocho bay yon kantite lòd. Lòd yo kapab tèlman senp tankou, "Ti chocho di pou nou souri" oubyen enteresan tankou, "Ti chocho di pou nou fè bwi poul". Konsidere laj ak nivo devlopman timoun yo lè w a' decide ki lòd ou pral bay.
3. Timoun yo dwe konplete chak lòd ki kòmanse ak fraz, "Ti chocho di..." Timoun ki pa konplete lòd la nan fason sa mande a ap elimine nan jwèt la.
4. Timoun yo pa dwe konplete fraz ki pa kòmanse avèk fraz, "Ti chocho di",. Si Ti chocho bay yon lòd ki pa kòmanse nan fason sa epi genyen yon timoun ki konplete lòd la, timoun sa dwe soti nan wonn nan.
5. Kontinye pandan w ap repete pa #3 ak 4 la jouskaske rete yon sèl timoun san elimine. Y ap kapab jwe kantite fwa yo kapab toutotan ke tan pèmèt yo.

JOU 2 - ANTRÈNMAN DISIP



LEKÒL BIBLIK VAKANS MESAJE POU JEZI YO -

ANTRÈNMAN DISIP - ANALIZ JENERAL AK ENFÒMASYON POU LIDÈ ANTRÈNMAN POU MESAJE YO

Nan Matye 28 :19, Jezi te di disip Li yo konsa, "Se pou nou ale epi fè disip nan tout nasyon yo". Sa a se yon apèl k'ap kontinye jouk jounen jodi a. Etan ke lidè depatman antrènman nan fòmasyon Pou Mesaje yo, w'ap gen privilèj pou w' reponn ak apèl Jezi a pandan w'ap ede timoun lekòl bibliki yo grandi kòm disip Jezi, pandan y'ap konvèti an mesaje Jezi. Pandan dezyèm jou a, timoun yo pral aprann rezon ki fè li enpòtan pou yo imite Jezi.

Premye chapit liv Mak la genyen plizyè egzanp Jezi k ap montre kijan disip li yo dwe imite li. Apre sa, w ap jwenn twa egzanp ke timoun yo kapab itilize pou imite Jezi.



IMITE JEZI: EDE MOUN KI MALAD YO

Li Mak 1:29-34 - **Di timoun yo** - Jezi te demontre lanmou ke Li te genyen pou lòt yo lè li te pran swen moun ki te malad yo. **Mande timoun yo** - Èske genyen kèk nan mitan nou la ki rekonèt kèk moun ki malad? (Kite timoun yo reponn). **Di timoun yo** - Jezi te genyen pouvwa pou li geri malad yo. Sa vle di ke Jezi te kapab retire maladi yo epi fè yo vin miyò. Petèt nou menm nou pa kapab geri malad yo menm kote a menm jan avèk Jezi, men nou kapab ede moun malad yo santi yo miyò. **Mande timoun yo** - Kisa nou kapab fè pou nou ede moun ki malad yo santi yo miyò? (Kite timoun yo jwenn chans pou yo reponn).

IMITE JEZI: NAN LAPRIYÈ

Li Mak 1:35 - **Di timoun yo** - Youn nan bagay ki te plis enpòtan ke Jezi te anseye disip li yo se te osijè de enpòtans lapriyè genyen. Byen souvan Jezi te chèche kote ki apa pou l te pase tan nan lapriyè. **Mande timoun yo** - Èske kèk moun la kapab di kèk moman ki pi bon pou priye? Nenpòt moman bon pou lapriyè. Nou kapab priye lè nou pè. Nou kapab priye lè kè nou kontan. Nou kapab priye pou yon moun ki malad. Nou kapab priye lè yo bezwen èd epi nou kapab priye pou yon moun ki bezwen sekou.

IMITE JEZI: PATAJE BON NOUVÈL JEZI A

Li Mak 1:38 - **Mande timoun yo** - Èske yon moun la kapab di mwen kisa pataje Bon Nouvèl Jezi a vle di? (Pèmèt timoun yo gen chans pou yo reponn). **Di timoun yo** - Pataje Bon Nouvèl Jezi a vle di pale ak lòt yo osijè de Jezi. Li vle di tou, rakonte yo tou ke se Jezi ki te kreye yo epi li renmen yo. Sa genyen ladan li tou kòman Jezi t al mouri sou kwa pou peche nou yo ak kòman nou kapab envite Jezi vin viv andedan kè nou. Pataje Bon Nouvèl Jezi a genyen ladan li, rakonte lòt yo fason ke Jezi te anseye disip li yo imite li.

Ede moun malad yo, pase moman nan lapriyè epi pataje Bon Nouvèl Jezi yo se kèk nan anpil egzanp ke nou kapab jwenn nan Bib la osijè de kòman imite Jezi. **Mande timoun yo** - Èske yon moun kapab panse osijè de kèk lòt fason ke nou kapab imite Jezi? (Pèmèt ke timoun yo pran yon ti tan pou yo pataje repons yo).



JOU 2 - FÈY AKTIVITE ÈLÈV LA

NON -----

JOU 2 - TÈM MESAJE KI GIDE NOU YO

JOU 2 - FOKIS SOU LAPRIYÈ

Chè Jezi,
mwen vle swiv ou avèk tout kè
mwen. Ede m koute **MESAJE** ke w
chwazi ki pou gide m yo.

JOU 2 - BAZ BIBLIK

Istwa dezyèm jou a se osijè de Debora, pwofèt la. Bondye te chwazi Debora pou l te vin youn nan jij sou pèp Izrayèl yo. Jij yo t ap sèvi anba otorite Bondye pou gide pèp Li a nan moman difisil yo. Pasaj bibliik sa twouve li nan Jij 5. Chapit sa genyen pou tit "Kantik Debora".

2 Lwanj pou Seyè a, lè moun pèp Izrayèl yo soti pou yo goumen, lè pèp la pote tèt li ak kè kontan pou fè lagè!
3 Nou menm wa yo, koute sa m'ap di! Nou menm gwo chèf yo, louvri zòrèy nou! Mwen pral chante pou Seyè a!
Mwen pral fè lwanj Senyè a, Bondye pèp Izrayèl la!
4 Seyè! Lè ou te kite mòn Seyi yo, lè ou te soti nan zòn peyi Edon an, latè te pran tranble, lapli tonbe anpil sot nan syèl la. Wi, nwaj yo pran lage dlo.
5 Mòn yo pran tranble devan mèt mòn Sinayi a, devan Seyè a, Bondye pèp Izrayèl la!
6 Sou tan Chanmga, pitit gason Anat la, ak sou tan Jayèl, bann machann yo te sispann pwonmennen nan tout peyi a ak bèt yo. Vwayajè yo te blije pase nan lòt chemen.
7 Lavi peyi Izrayèl yo pa t' gen moun ladan yo ankò pou pran defans yo. Yo te rete san moun pou defann yo, jouk jou mwen menm, Debora, mwen parèt tankou yon manman pou pèp Izrayèl la!

DEBOUCHE

RÈLYAIZ 11 13 --- --- --- --- 9

EATHNC --- --- 10 --- 7 ---

SÈLY AL --- 5 --- --- ---

ÒNM OY --- --- 3 --- 2

MEEHCN --- --- --- --- 6 ---

YLÈJA 12 --- --- 14 ---

BEDOAR 4 --- 1 --- 8 ---

KONSÈY

KOTE IZRAYELIT YO T AP VIV LA.

----- YON KANTIK.

LAPLI TONBE ANPIL SOT NAN -----

--- PRAN TRANBLE.

VWAYAJÈ YO ABANDONE -----

NAN JOU -----

PWOFET LA.

DEKOUVRI MO KLE YO NAN PASAJ BIBLIK LA. ÌTILIZE MO YO POU W REZOUÐ FRAZ KACHE A.

FRAZ KACHE:

1 2 3 4 5 6 7 6 8 6 9 6 4 6 1 2 8 10

P U

2 4 11 8 11 12 6 11 13 8 10 5 14 9

JOU - FÈY AKTIVITE ÈLÈV LA



ANTRENMAN DISIP: FÒMASYON POU MESAJE YO

Pandan dezyèm jou a, timoun yo ap kontinye antrènman yo a pandan y ap aprann ke kòm disip Jezi, yo dwe **IMITE JEZI**. Lè Jezi te bay lòd pou ale epi fè disip yo, Li te endike disip li yo pou yo te fè sa ke li menm li te fè pou yo depi menm jou li te rele yo vin swiv li a. Jezi te yon modèl ki bon nèt nan zafè ki gen pou wè ak siyifikasyon yon disip. Mesaj li pou premye disip li yo avèk disip li genyen jodi a yo se **IMITE** pawòl li yo avèk aksyon li yo, menm jan pou ede lòt yo fè menm bagay la. Panse ak twa bagay ke w kapab fè pou ede w **IMITE JEZI**.

MWEN KAPAB APRANN IMITE JEZI LÈ MWEN... 1. _____

2. _____

3. _____



JOU 2 - VÈSÈ POU APRANN

Ajoute mo ki manke yo.

" _____ MOUN KI TE KONN DIRIJE
NOU YO, MOUN KI TE FÈ NOU KONNEN
PAWÒL BONDYE A. _____ JAN YO TE
VIV, EPI _____ SOU KONFYANS YO".

EBRE 13:7

MESAJE KI GIDE NOU YO

"PA BLIYE MOUN KI TE KONN
DIRIJE NOU YO, MOUN KI TE FÈ
NOU KONNEN PAWÒL BONDYE A.
ÈGZAMINEN JAN YO TE VIV, JAN
YO TE MOURI. PRAN EGZANP
SOU KONFYANS YO".

ÈBRE 13:7, NVE



Jou 2

MESAJE KI GIDE NOU YO

JIJ 4 & 5

DEBORA - PWOJET LA AK JIJ





JOU 2 - TI ISTWA BIBLIK YO



DEBORA - JIJ AK PWOFEÛ - JIJ CHAPIT 4-5 - YON PREMYE POU BONDYE!

Preparasyon Pou Lidè Istwa Biblik La

Enfòmasyon sa fèt pou ede lidè istwa biblik la prepare li pou pataje istwa jou a ansanm avèk timoun yo. Sa mande pou lidè a li enfòmasyon sa epi repase pasaj yo sigjere yo.

Jij 4:1-3 – Nan Ansyen Testaman, byen souvan nou li osijè de plizyè okazyon kote izrayelit yo te bliye direksyon ak esperans Bondye, epi yo te dezobeyi li. Bib la di ke yo te fè sa ki mal nan je Seyè a. Se sitiyasyon sa ki te nan kòmansman chapit 4 liv Jij yo. Konsekans lan se ke Izrayèl te tonbe anba men youn nan lènmi li yo, wa mechan kanaran, Jaben. Wa Jaben te gouvène izrayelit yo pandan 20 ane, jouskaske finalman izrayelit yo te mande Bondye sekou. Kòm repons lapriyè yo, Bondye te leve yon jij ki te rele Debora.

Kilès Jij Yo Te Ye? – Avan ke Izrayèl te genyen pwòp wa yo, Bondye te rele kèk moun sou non jij pou gide pèp la nan moman difikilte yo. Jedeyon avèk Samson se lòt jij ki byen popilè ki te ede pèp izrayèl la jwenn libète anba opresyon.

Debora, katriyèm wa peyi Izrayèl la, se te premye fanm ki te mansyone nan Bib la avèk responsablite sa. Debora ansanm avèk yon lòt fanm ki te rele Jayèl te ede pèp Izrayèl la pote laviktwa. Istwa Debora montre kòm Bondye kapab fè objektif li yo reyalize atravè nenpòt moun ki prè pou sèvi li. Ministè Debora, avèk pouvwa Bondye, te ede li vin yon nimewo en.

Istwa - Debora - Yon Premye Pou Bondye - Jij 4:6-24

Debora te yon jij nan peyi Izrayèl. Pèp la te vini devan Debora pou rezoud pwoblèm diskisyon yo. Pandan tan sa, te genyen yon wa etranje ki rele Jaben ki te vin domine pèp Izrayèl la. Jaben te soti yon kote ki rele Kanaran, epi li te maltrete pèp Izrayèl la anpil. Pèp Izrayèl la te pase 20 ane anba dominasyon wa mechan sa ki se Jaben. Izrayelit yo te rann yo kont ke yo te bezwen èd Bondye, konsa, yo te rele Bondye nan lapriyè. Bondye te reponn yo lè li te voye Debora pou gide Izrayelit yo epi libere yo anba kontwòl Jaben.

Debora te di yon nonm ki te rele Barac que Bondye te vle pou li gide pèp Izrayèl la nan lagè kont Jaben ak wa lame li a, Sisara. Debora te di Barak ke Bondye ta va ba li laviktwa, Barak pat vle ale san Debora. Li te mande Debora pou l te akonpanye li.

Debora te di Barak ke li dakò pou l ta ale avèk li, men lè batay la fini, li pap resevwa glwa laviktwa.

Sisara, limenm ki te chèf lame ki te pèdi batay la te kouri pou l'al kache. Yon fanm ki te rele Jayèl te envite Sisara vin kache nan tant li a, Sisara te panse li te an sekirite, men Jayèl te konnen kimoun li te ye. Li te konnen ke Sisara te la pou sèvi wa mechan an ki se Jaben. Jayèl te ba li yon ti lèt pou li bwè. Li te panse ke li pat an danje kote li te ye a, Sisara te mouri epi detwi. Jayèl te ede Izrayèl genyen batay la.

Jayèl se fanm ke Debora te di ki ta gen pou l resevwa glwa pou laviktwa a.



JOU 2 - TI ISTWA BIBLIK YO



Kisa Nou Te Aprann Nan Istwa Biblik Jodi A?

Mande timoun yo – Èske nou te pèdi yon fwa? (Kite timoun yo pataje eksperyans yo sou kijan yo te pèdi.)

Di timoun yo konsa – Lè nou te pèdi a oubyen lè nou te twouve nou kote nou pat janm konn al vizite avan an, èske nou te bezwen yon moun ki pou ede nou jwenn chemen pou ale kote nou vle rive a, pa vre? Se yon bagay konsa ki te rive Izrayelit yo nan istwa jodi a. Izrayelit yo te pèdi menm jan avèk kèk nan nou te pèdi nan istwa nou sot pataje yo, men yo te pèdi paske yo te bliye konbyen Bondye te renmen yo ak kòman li te toujou ba yo sa ke yo gen bezwen. Lè yo te bliye Bondye, li te fasil pou moun ki mechan yo te fè yo fè bagay ki mal. Se poutèt sa wa mechan an Jaben te domine yo konsa.

Mande timoun yo – Kimoun Bondye te itilize pou mete yo an libète? (Repons: Debora).

Debora te genyen konfyans li fèm nan Bondye, epi li te konnen ke Bondye te renmen yo epi ta ba yo laviktwa epi ede pèp li a soti anba wa mechan sa ki se Jaben. Debora te konnen ke Bondye ta genyen pou bay Izrayèl Laviktwa.





JOU 2 - TI VÈSÈ POU APRANN YO



JOU 2 - VÈSÈ POU APRANN - EBRE 13:7

Ti Mesaje Pou Jezi yo - Vèsè pou aprann - Analiz Jeneral ak Enfòmasyon Pou Lidè sou Mesaj nan Kè m nan Pawòl Bondye a se mesaj Bondye pou disip li yo. Lè pitit Bondye yo gade Pawòl Bondye nan kè yo, memorize pawòl la, yo ranpli kè yo avèk direksyon ak lanmou Bondye a. Yo menm tou yo ranpli kè yo avèk mesaj Bondye a pou yo kapab vin mesaje Bondye devan mond lan!

Dezyèm tèk Lekòl Biblik Vakans lan se Mesaje Ki Gide nou yo. Lide a se ede timoun yo konprann ke Bondye te chwazi mesaje ki pou ede yo konnen Jezi. Lè Bondye rele yon moun pou vin mesaje Li, Li rele l pou l viv yon fason pou li ede lòt yo aprann osijè de Jezi. Atravè aksyon lidè a, yo menm ki dwe egzanp aksyon Jezi, timoun yo kapab wè kòman Jezi vle pou yo viv

Ebre 13:7 (NVE) – *“Pa bliye moun ki te konn dirije nou yo, moun ki te fè nou konnen pawòl Bondye a. Egzaminen jan yo te viv, jan yo te mouri. Pran egzanp sou konfyans yo”.*

Li vèsè pou aprann nan dezyèm jou a ansanm avèk timoun yo. Esplike yo ke vèsè sa soti nan fen chapit lèt Ebre yo. Ebre se yon lèt ki te ekri pou yon gwoup kreyen ki t'ap viv yon moman difisil. Lèt la te genyen kòm objektif, ankouraje ak prezante yo leson ki enpòtan osijè de fason ke yo dwe viv. Youn nan leson enpòtan sa yo se te pou yo kontinye viv tankou Jezi, nan obeyi Bondye epi sèvi lòt yo. Otè a te ankouraje pou yo pat sèlman sonje lidè sa yo, men tou, imite konpòtman yo, pawòl ak aksyon yo. Itilize mouvman avèk aksyon ki anba yo pou w ede timoun yo aprann vèsè sa.

PREMYE PATI - PA BLIYE MOUN KI TE KONN DIRIJE NOU YO

(POZE TANKOU SI W T'AP PANSE, SONJE YON BAGAY).

TWAZYÈM PATI - PRAN EGZANP SOU KONFYANS YO

(METE YON JENOÙ W ATÈ EPI LONJE DWÈT OU SOU LIDÈ LEKÒL BIBLIK YO).



NON -----

JOU 2 - TÈM: MESAJE KI GIDE NOU YO

**JOU 2 - TI MESAJE POU JEZI YO
FOKIS SOU LAPRIYÈ**

Chè Jezi,
Mwen vle swiv ou avèk tout kè mwen.
Ede m koute MESAJE ke w chwazi ki
pou gide m yo.

JOU 2 - BAZ BIBLIK

Istwa dezyèm jou a se osijè de Debora, pwofèt la. Bondye te chwazi Debora pou l te vin youn nan jij sou pèp \Izrayèl yo. Jij yo t ap sèvi anba otorite Bondye pou gide pèp Li a nan moman difisil yo. Pasaj bibliik sa twouve li nan Jij 5. Chapit sa genyen pou tit "Kantik Debora".

DEBORA - PWFET & JIJ





JOU 2 - TI FÈY AKTIVITE ELÈV LA YO



ANTRENMAN DISIP: FÒMASYON POU MESAJE YO

Pandan dezyèm jou a, timoun yo ap aprann ke swiv Jezi siyifi ke yo dwe **IMITE JEZI** tou. Aprè sa, w ap jwenn kèk bagay ke w kapab fè pou w aprann **IMITE JEZI**. Sepandan, genyen kèk mo ki manke lèt. Chwazi lèt ki kòrèk la pou w konplete chak mo.

PRIY__ **LI** __**IB MWEN AN**
__**JI BYEN**

LÈT
A E B



JOU 2 - VÈSÈ POU APRANN

Ajoute Mo Ki Manke Yo.

" --- MOUN KI TE KONN DIRIJE
NOU YO, MOUN KI TE FÈ NOU KONNEN
PAWÒL BONDYE A. --- JAN YO TE
VIV, EPI --- SOU KONFYANS YO".

ÈBRE 13:7